

淨
德
集

淨

淨德集卷三十二

宋

呂

陶

撰

五言律詩

和成都道中

溝畎清穿道禾麻綠蔭疇地形從此坦山勢為誰收使
指星言駕皇恩雨既優愛吟吟不盡目斷錦江頭

嘉州陸氏涵秀樓

勝地林泉近層楹物象閒野平秋嶂列天闊暮雲還快
目登臨外棲心嘯傲間羨君談雅槩持語寄江山

范才元參議求酒於延平使君邀予同賦謹次其韻

桑落冷筍玉菊衰霜滿天飄零河朔飲悵望竹林賢鳥
有防前轍青州貴下田使君能遣騎端爲喚漁船

二月一日郡郊賞花得郊字

春仲方迎朔花穠已滿郊曉園香散路晴樹錦垂梢
勝爲高會通歡有淡交芳時去尤速吟賞莫輕拋

寄句輔元

普州公事少太守讀書多見得是非盡無如今古何老

懷驚歲月冷夢到雲蘿郡下有佳士幾人陪詠歌

送李公擇同年赴嘉倅

極目三峩頂濃嵐切杳冥宦心甘似水親髮已如星
壽几陪春聳吟齋息晝鈴何須二千石旛隼銜丹青

過羅氏園亭

官暇無多事春深偶一來溪隨芳榭轉門入翠嵐開
有得伊吟筆將閑付酒盃暫遊殊草草空趁夕陽迴

西郊

西郊村落好歲月甚優游野性每自適倦心何所求
鼓

鐘催永晝砧杵報新秋若遇延形術猶能換白頭

思道同晦甫春日過李氏園亭次思道韻

官暇頻遊覽春闌勿嘆嗟閒情禹文酒好景付鶯花笑
語留長日園林訪幾家歸途最喧塞紅燭數行斜

和思道招晦甫

相親未多時相別已旬日詩筒須奉招棊手欲求敵三
春有餘閒一醉安足惜此樂真無涯交情重金石

金竹

原註渠江有竹其色深黃里人目爲金竹

修竹已可愛況復如黃金天地與正色雪霜堅此心雲

芝生有節栗玉種成林回首渭川遠山間饒翠陰

送楊日卿移任潘原

謫宦成流落移官自寵恩窮通雖異迹得喪盡忘言車
馬動行色江山勞別魂關西三十世祠下見雲孫

歲除前五日獨往黎氏園見梅花盛發

慘淡歲將暮煙村忽見梅年光背我去春色爲誰開半
日憑軒檻無人共酒盃芳標深可惜聊作看花回

和賞梅

何處爲真賞芳園白玉英春前挺仙質物外得花名雪



原件短缺

月資閒淡風霜與潔清偏宜文字飲嘉客盡詩成

和聞蛩有感二首

志士感幽寂杜門臨晚晴流年無奈老永夜有餘清秋
夏欲交處古今皆此聲羈愁與離恨為爾忽相并
思婦感離別夕霖殊未晴九秋消息近千里夢魂清續
縷有深意促機無緩聲寒衣遠須寄人去在幽并

送杜常

壯士軒昂早窮塗蹭蹬多直將天命說其奈客愁何晚
歲饒歸興青春亦浩歌舊溪如可守應便掛漁蓑

霽灑黎明測潤及五六寸詢諸父老未滿其意馬
上占

雨氣收未盡山巔雲又飛一犁猶有望十日莫相違野
壠忙耕耨零壇罷禱祈誰知好生德歲歲及園扉

每以種早為憂降詔臨決遣御史按畿內委
使者行所部促治留繫仁德至矣和氣應焉

張允中挽詞

道業隱君子恩榮鄉大夫骨雖藏吉地名不沒幽塗夢
兆飛蝴蝶年華過白駒千車來弔者應有莫生芻

和毅甫惠茶相別

茶新詩亦新垂貺及羈客有味皆清真無瑕可指摘隴
西飄何依湘水流自北別後誦高吟料公猶相憶

長江道中

春晝長江道行人倦阻長山花雜紅白壠麥半青黃灘
外郵亭出松間縣舍藏簿書聊寓目回轡已斜陽

宋太傅挽詞

福壽無餘恨哀榮莫擬倫素風傳幾世純行見終身簪
紱方優禮星霜已古人舊松高百尺歸祔想寧神

趙府君挽詞

養德輝光煜傳家訓範成九泉無愧色一子有清名壽
域高風在天心福報明他年霈醲渥褒贈極哀榮

楊寺丞挽詞

祿養平時失人情重慘傷千車來弔客五鼎過前喪草
斷新培壠雲低舊隱堂終天猶飲恨誰爲問蒼蒼

喻延平挽詞

雍睦傳家本詩書教子心平生潛德在他日漏泉深往
事銘幽石新阡長茂林孝思何以慰章句盡悲音

淨德集卷三十二

淨德集卷三十三

宋

呂

陶

撰

五言長律詩

和春雪

歲改春將半春寒雪又飛積陰殊未散生氣一何微忽
 墜千尋險偏增百仞巍密難沾煖席冷易襲征衣憑仗
 凄風助遲留煦景歸聚來雖得勢消去乃知幾衆喜勾
 萌潤私憂氣候違方當乘太族慎勿掩靈威尺地惟書
 異豐年可免饑持言問真宰天道是耶非

再和初春微雪

治有春陽感和無月律差濃雲方聚鶴凍柳亦飄花瑞
應來如響羣情喜溢涯縱觀天勢淡俄失地形宏素月
交輝耀狂風助擊擊一斑迷隱豹三尺晦祥鷄塞上威
尤凜軍中語敢譁漢兵同被練朔地訝吹沙冷焰侵殘
燧寒聲入舊笳飛紈安用裂種玉豈須畚清潔山川景
微茫草木芽墜田因澤及望歲已心遐共荷沾濡力應
忘旱歉嗟詩豪夜傳卷賀客曉趨衙滲漉元侯德生成
赤子家指期三日耜拭目萬箱車況賴深仁恤曾蠲重

賦加願賡稱頌句豈肯匿咬哇

和喜雪

向夕層雲結黎明漫漫飛山川都變色松竹倍生輝共
喜飄方密翻憂落漸稀陰功施黑律寒候應璿璣右席
延文客先塗奉玉妃二儀清景混四野遠光圍愛日因
藏照狂飈間作威三冬茲有得一穀敢言饑渴望於時
久華心在物微霈然蒙大潤化力少知歸

和對雪

嚴冬飛朔雪此景望中嘉雲暗垂天幕江平壓浪花翅

寒低獨鴈枝重折叢葭冷甲窮邊戍凝煙野叟家聚來
風有助消去日難遮爐煖頻烘獸盃濃不飲蛇謝吟殊
可愛郢唱又何加好盡登臨興搜題徹四遐

上韓端明

要道根皇極純王攬懿綱域中洪造廣天下大形疆臣
主同千載藩宣奠四方乾文耀參井地鎮聳岷梁景谷
餘波迴靈關古塞荒限蠻唐節制析部漢封疆石穴延
通道山局設巨防利源充內帑兵勢壓巴羌付畀關休
戚權宜任弛張紫封傳墨敕金印坐黃堂自昔都俞重

其誰德業彰乖崖施遠略忠獻紹前良樂得中和職人
躋富庶鄉含生知化力永日載春陽滲漉淵源在醞醇
骨髓藏深和流耳目盛事載縑緗歲月徒爲久風猷信
不忘恩褒賈遠祀人愛召公棠檜有喬枝茂蘭宜後葉
芳惟公真輔翼與世會明昌間發乾坤秀親逢日月光
國華增黼黻地寶獻琳琅尹道存先覺軻心蘊至剛朝
廷尊闕閤士黨貴文章高視雲霄路遐飛翰墨場鵬圖
指溟渤驥步得康莊藩會初關決仙癘已踐揚本元游
祕府侍從陟清廂偉望全康濟周才歷浩穰中天承帝

選南國撫民傷使範資勤恤君言務肅將繡衣恩燦燦
大旆遠皇皇賑惠常聞黠澄清乃識滂疲羸起溝壑暴
濫去豺狼大節堅持守純忠自激昂還登文石陛頻上
諫書囊人鑑分今古神龜憲否藏斯猷三接告至理一
言詳柱下尊良史螭頭立左郎纂修該七法注錄擅三
長午夜星垣迴南風省戶涼揮毫綸彩爛垂佩玉聲鏘
春老常聯萼雲晴鴈綴行雄名出蘓李公論美常楊眷
倚隆矜式諮詢行贊襄得人居內相有道輔明王大手
憑才識深謀協典常五花曾執判七寶屢登牀燕見趨

東閣優容對未央儀刑真審審謨訓極洋洋重委臺綱
正終圖國體康至誠頻啓導大事費裁量多僻消芽孽
羣邪潔肺腸諄諄聞藥石凜凜畏冰霜論議他奚恤猷
爲己所當安危一身繫出處萬民望蔡俗嗟延哺堯心
慮納隍建侯崇屏翰選德庇災殃異政乘時立清臆與
惠翔界中生穰穀境上散飛蝗儒將能專闡神兵豈頓
鏃十連循節鉞四面固金湯拓地歸充國謀軍得子房
天威神臂指戎氣窒喉吭屬國恬懷撫函書恥謾狂具
瞻宜廟幄遐福合陵岡迺顧西南遠明如左右旁大門

堪世守與頌願時颺命策榮千矢封圭判二璋物傳家
 乃舊刀應夢為祥善事知弓冶奇毛識鳳凰百尋標落
 落萬頃信汪汪廟瑟餘音靜庖刀發刃鋼闕難求畛域
 微不誤毫芒雅意儒為寶宏規沼象璜魯公先詣學高
 眈力崇庠教化惟敦獎衣冠敢怠違七經登講舍數仞
 企師牆樂善無遺芥懲非易去稂百城捐博塞萬井絕
 貪攘牧廩實收斂原註許牧芻之積罷斂一歲窮閭飽歲糧原註歲窮發廩
 及貧窶以貸周吏姦藏爪吻人瘼愈膏育昔謂庖厨侈徒矜口
 體嘗愛心加俎豆和氣落壺觴部屋晴曦燭枯荻湛露

灑盛時逢召杜奕世見龔黃至矣紆宵旰熙然協雨暘
 里閭敦悌讓原野競農桑指顧寧陬落生成及稻梁邊
 聲息金鼓民室富困倉共樂親熒座僉期輔峻廊定登
 賢相器行促舍人裝奕奕驅輶傳喈喈飾鏤錫矢謨勤
 翼舜納誨永隆商鄭武高風盛韋成懿跡相洪鑪專鼓
 鑄大鼎薦烹飴浩蕩躋民域安平援世航詩人褒繡袞
 坤道吉黃裳歌舞真賢進光華至治香欲知能事畢四
 海處陶唐

和質夫運使大夫久旱喜雨長句

六月陽初亢三農否忽傾應祈由化力蒙惠得歡聲草
木失華動山川氣象清石間看燕舞池上覺蛙鳴水闊
江尤渺雲濃夜未明逡巡煩暑薄時序好風輕喜意知
餘潤憂心恐易晴秀園吟際適豐野望中平勤有賢侯
志霖非舊史評不須窮造物土俗但犁耕

又和喜雨

壇宇嚴封築牲羞薦潔鮮精誠宜有感惠澤果無愆暑
氣沉虛谷濃雲布滿天雷霆馳勢力河漢動經躔農作
方勞甚人情忽泰然春渠慙訟水夜鼓促芸田優足過

三日豐登又一年隨車循吏事應可繼前賢

雲頂山次韻

地峻山形壯周遭盡勝遊抱巖如拱手轉嶺似回頭老
木凌空迴濃雲覆石幽朝陽千里快暮雨數峯愁澗底
猿隨鹿松顛鶴勝鷗香花開靜宇煙火認他州寶翰中
朝錫神燈半夜留勢容逋客戀景許化工偷雪色連年
貯嵐光幾院收仙葩多躑躅野果號獼猴法印傳無礙
禪機問卽酬叢林分徑路蓮社得朋儔眼遠層霄闊心
澄外物浮登臨豁塵抱今古信悠悠

送俞漕

積有儒林望聊從使節行高文自經緯壯志欲澄清地
 鎮三峨重江波萬里平闊難求畛域深不為功名吉象
 光圖籍祥風卷旆旌巢阿瞻鳳彩運海見鵬程事外神
 鋒晦胸中寶鑑明淵源千慮極肝膽一言傾德業期康
 濟諮詢屬老成定知前席對有以澤羣生

送人為郡回

當世勲賢後斬然器業高劔鋒天際倚虹氣玉中韜列
 乘提藩總雙旌署郡曹至精憑寶鑑大割見庖刀曠闕
 非私物周流不失毫霜威摧吏爪春煦起民膏治世須
 醫國亨塗合擁旄蜀人懷舊德涪漢共滔滔

送楊秘丞赴戎南倅

萬里南溪水滔滔逼郡城四時多雨氣終日是江聲蠻
 市煙中合山疇火後耕孤村隨漑斷絕嶂與雲平甲冷
 三冬戍烽高半夜驚盛朝咨鎮守別乘委才明愛日迎
 舟楫春風卷旆旌蘭陔新膳潔

原註 迎侍太夫人之官 花縣舊陰

成原註 君嘗 荔子瓊瑤破藤梢琥珀傾羈懷休念遠淺

醉易忘情宦況如郵傳年華似送迎笑談聊布政閒暇

亦論兵僻地非通轍層霄有去程行聞海沂詠流入竹
枝清

送王昌州屯田

百里鄰疆宇詳聞懿迹多本原由簡厚論議必中和平
日春陽愛斯民德澤歌藩宣聊息偃名教足逶迤遠業
今猶鬱亨塗去若何蓬仙終到海軒鳳必巢阿羨割神
鋒舉光輝國鑑磨公乎難隱讓忠義貴無他

送張景元

并序

天下之勢如腹心手足之相須而成求其所以

安靜於中者必少休其外也勞敝四體則歡寧
愉悅之氣化而形色槁瘁孰謂四方之地可不
暫紓其力以養中國之用乎天子恭已於上萬
官任職於下廟堂權其謀方部維其紀綱郡邑
赴嚮其事雖付畀之迹異而愛念元元之心均
焉以一道處之重任也舉天下財賦之出蜀最
多焉正朔始歸中原時爲生豐贍物估擬今率
十之一司租庸者割經遠之慮沿其時直以限
王賦賦雖重矣而他求未及民不告勞數十年

間供億日益繁泉幣日益輕物估日益湧而乃
務足經費者以半價市緡帛按戶而斂歲無慮
四十萬康定中兵興於西饋軍之費又三十餘
萬地產有常而賦重於昔物估日湧而半價之
斂增齊民無聊竊自憤歎間或乘以饑旱則溝
壑之委可爲寒心嗚呼天下一體也治天下一
道也凶民之勞如此其極也而議者曾不顧恤
乃曰殖財具事則於吾何歎豈朝廷所以待遠
方之意耶豈君子所以均愛物之心耶比歲臺

雜趙公以漕節出按閩蜀困匱乃列上利病得
減康定之數疲羸延頸庶幾休息今明公臨部
未幾惻然有撫恤之心計當道緡帛所積凡半
價之入爲罷一歲夫豈非君子憑其所存於中
者以度物制宜而濟其德業乎固不能遷度於
外而與之疾徐也旣而上召公以副大計士有
惜公之去之速而謂吾蜀不能深被其賜者此
安知天下之治戒乎遺遠而君子之德業惟其
有加於民之爲貴奚遲速遐邇之間乎用是推

公之心則吾蜀被賜非特今而已其敢第其說
以為序而繼之詩

方域提權重朝廷擇士尊網疎因正紀流潔為澄源寒
日風威靜熙陽氣序溫人知廉使體物荷聖皇恩清轡
纒周境歸途已駕轅光華三節瑞邃密九重闈韶集丹
山鳳雲升北海鯤聞公難避讓天下盡元元

送馮樞密

帥領來全蜀掄魁祇一人

原註由進士狀元
鎮蜀者惟公一人

崧高雪山

勢清徹錦江津旒冕思長策機衡屬老臣部中方拜賜

天下又迴春出處無非道安危繫此身巖瞻殊慶快塗
說敢開陳聖運重熙久皇威萬里振勒兵充宇宙按劍
待煙塵權術輕三表韜鈴貴五申招懷及蠻徼指顧下
洮岷文誥傳荒服天聲壓外鄰捷書連歲上故壤一朝
新計費千金易論功百勝頻征衣空杼軸戰骨委荆榛
水旱乾坤慘雖刀畎畝貧人情危欲鎮帝澤壅難均幸
會公歸國相歡物在鈞華心生草野和氣滿楓宸士論
歸依切風謠禱頌真嘉謨憑獻納大事費經綸治術關
休戚規模有革因號寒思挾纊引哺願嘗珍圖治雖更

化封侯漫富民高明深鑒照密勿定諮詢悟主言稱舜
論兵諭借秦無爲羣動悅不陳四夷賓寶鼎千鈞重薰
琴九奏純放懷留化日反掌敘彝倫邦體還清靜王綱
務率循太平勲業就寰海被堯仁

送師厚

毳冕登車後薰琴易柱時遐方新視聽赤子繫安危羅
網難投足錐刀漸削肌激昂忠論發絡繹奏封馳有意
同休戚無心計險夷海傾身亦禦山轉力須支沸鼎憂
魚爛沈疴待藥治正邪雙辯起義利兩塗知帝德終柔

遠天聰善聽卑丁寧詢使指勞來及坤維大法圖公共
儉言惡詭隨弊從經歲積恩許一朝釐治體今殊昔仁
聲喜換悲方期講原本何暇語毫釐虎噬猶吾怯蠅營
漫爾爲陰功符監佑直道擁祥禧行色青雲棧英游白
玉墀是非都一笑歸旃卷晴曦

送范堯夫

并序

自改作之議興士大夫有以言獲罪者罪之愈
多而言之愈不已天下之事其是乎其非乎公
由諫員謫守蒲津領漕於蜀察民重困不忍以

厚斂加之凡朝廷詢問可否則述利病以對毅
然不可少奪其於天下國家始終無毫髮愧負
也世之人平居以端良自處或慷慨論議決不
爲得喪所遷一旦紛華悅於前困阻脅於後則
顧望縮伏務以求容於衆向所謂志尚操履者
棄置若長物然仰聽下風亦厚顏矣公之去蜀
人思焉某於是序而又爲之詩

欲賦旋歸樂翻成感遇篇盛時惟道在興誦自民傳伊
昔更張議於今造化權綱條籠宇宙號令震山川大畧

先農穡餘波及貨泉俊豪爭援世忠亮欲回天暮對青
浦側朝留赭案前堪憂逐江海猶許治蕃宣此地勞飛
輓何人念瘠捐壯心摧更激高節困尤堅晚歲松方茂
洪爐燄不燃迂從鄒叟得原註前史有謂孟子爲劊叟者勇在孟賁先

坦若王良轍端如后羿弦一毫無畏惜千慮極哀憐定
論予張膽游辭彼脅肩尺尋難枉直鑿枘自方圓止沸
愁烘鼎調音恥絕絃漢緡寬酒榷唐賦舍庸錢睿智期
開允生靈懼削腴弊端殊皎皎物望甚拳拳白日功名
久浮雲富貴遷萬鍾均廩祿一品漫貂蟬儻爲升沈動

誰能事業全寄言天下士無愧屬真賢

送祭帥赴平涼

劍外開三蜀回中宿萬兵召還宜北觀賜鉞又西征體
貌均先後權綱一重輕淵衷尤慎簡與意尙難平伊昔
藩條振於今治體成有爲終簡易無迹但恢闕筆下銷
頑弊樽前得隱情快如長劍立通若巨河傾闕刃從虛
落醇源及物情山川增氣象草木遂勾萌煖褐三冬足
豐疇百室盈詠歌今父母畏服古神明方幸華輪柅俄
聞瑞節迎渴心猶借寇翹望欲遠瓊沉復盤關路常瞻

部使旌十運依玉帳一道固金城後詔光前出新棠似
舊榮于宣推德業所至盡功名塞馬寧非福溟鵬豈問
程惟期未溫席歸去纂家聲

郊祀禮成詩

皇極恢臨照嘉時屬盛隆八年登至治大祀答圓穹並
報知坤道推尊見祖功先期齊廣殿將旦謁真宮杲日
迎鑾皎祥雲遶蓋紅衣冠開祕寢幢節下層空東嚮經
途近前瞻太室崇過門遵往德降輅屈清躬

原註臣嚮者先帝

八太廟望見神室卽降輅步至齋殿此盛德也陛下循而行之尊神重禮孝敬之至八聖威神在

三牲薦品豐奉璋人左右進俎序西東上意精純至英

靈顧享同念深堯八彩感切舜重瞳原註臣聞唐韓愈作元和聖德詩美

憲宗功德有薦享新宮淚落入俎之句恭惟陛下天資仁孝親享祖宗至神考之室必有永懷之感臣愚敢輒

形容地勝龍灣闊原註近郊塵清輦路通綵城齊北闕

天仗轉南風旂動三辰麗兵嚴萬衛雄國容殊肅穆丘

勢自穹窿虛次移銅漏原註園丘之禮既作樂降神陛

以獻深得祖升壇儼玉琬禮惟三獻具樂以六成終燔

燎交神聽高明鑒睿衷岡陵均委積箕翼等光融海沸

歡聲振天旋瑞氣充呼嵩喧宇宙迎仗抃華戎盛典千

春備洪恩庶彙蒙山河皆戶牖寰海一帡幪獨運陶鈞

術齊驅造化工令行雷洊震澤及雨其濛苛密寬三面

幽潛達四聰華心歸茂草蠶戶啓昆蟲六合澄清外羣

生富壽中願賡成命頌垂裕播無窮

送吳龍圖仲庶赴江寧

方域開全晉權綱委巨公深仁吾所導實惠爾常蒙曠

濶歸儒術周流見治功蠢生無不贍豪利豈須籠金穀

邊屯銳農桑漢地豐頌聲如響答和氣與春融天下殊

庸冠朝廷偉望隆咨詢懷舊德付畀出清衷禁直圖書

近麗恩屏翰崇鄉衣新粲錦郡軾再憑熊自昔金陵盛
於今玉節雄江山三國勢臺殿六朝風地勝名區在時
移往事空貢先淮甸入化接海隅同封宇綏安外煙波
賦詠中民瞻深繫屬國論素探窮此日留藩鎮何時補
上聰鈞衡須遠業藥石仰真忠孰謂勞申伯前知用弱
翁南歸勿遲久登弼代天工

送江巨源奉議

吳會儒林勝坤維使節雄人誰攀景躅物自得清風纒
玉塵埃外冰壺愷悌中教源資濬導治具費磨礪舉向
權衡見難相畛域窮章傳青瑣闥夢徹紫真宮自昔文
章手能成造化功夷途方濶步公論況僉同畫永朝紳
接天高奏牘通平生先遠業有以助堯聰

送聞人夷庚太博

邑有循良政人持介潔心庖刀發虛刃廟瑟鼓遺音閒
草豐春野修篁茂晚林恤民中詔遠及物上恩深歲月
吳江夢山川蜀道吟歸歟清議在直筆待君簪

送茹世美少卿

切慕真仙理能收至靜心紛華雖爾共勢利莫吾侵造

化歸三鼎逍遙託五禽一言平物我萬事委浮沈研味
經翻玉吁嗟礫變金太霞方夢想流水漫光陰得郡情
應樂休官志已深遐飛脫塵網高視矢蹄涔舊德淹卿
寺清風聳士林却憂公議在未易解朝簪

和提舉遊上方南禪十韻

宿約遊雲谷晨興過寺扉雨聲隨步急暑氣逐風微正
午逢晴照層霄斂夕霏江濤千里湧城郭萬山圍清集
同揮塵高談及轉璣虛涼河朔飲蕭散道家衣適意朋
簪盛回頭世網非其休誇小勝禪莫問餘機對景聊行

樂因吟欲賦歸高人應笑我白首戀輕肥

答王仲高

從政宜師古爲儒貴席珍承流仰循吏慮患屬孤臣休
戚同千里輕肥止一身虛名稱有土慙色見斯民羅網
甘投足波瀾恥問津狂言千重辟冷笑待儉人琴瑟方
調節芻蕘願采詢閉關聊度日開卷易經春地煖畦蔬
足年豐甕粟陳惟持三不愧通塞任天鈞

淨德集卷三十三

淨德集卷三十四

宋

呂

陶

撰

七言律詩

和正月二日遊碑堂寺二首

農事初興欲及時
東城風物又春熙
出郊開燕始今日
迎馬獻花纔幾枝
萬室遊人方雜遝
三竿煦景漸舒遲
乖崖真得綏懷術
八十年間俗不知

綵旗連道過重闌
却訪僧居暫柅輪
平野一朝鋪秀色
輕風十里散香塵
此時燕賞須從俗
昨日陽和已發春

自古成都稱美酒細傾聊以度良辰

觀打春牛和韻

塊然形質本何殊似爲春來出舊墟以色配年疑未可
與耕爲候信非虛升陽蓋自寅正始取類還當丑位初
但得碎身資穡事豈須功效載農書

浣花泛舟和韻

野店村橋迤邐通蜀江深處茂林中花潭遠漾春波綠
綵閣相迎畫舫紅脩岸幾朝經密雨芳樽盡日得清風
詩翁舊隱知何在且事嬉遊與俗同

寒食

新火乘時焰已燃寒雲收盡晚晴天欣逢佳節遊花圃
獨欠詩人泛酒船南畝如雲鋪秀色西樓照日起祥煙
傳聞里巷嬉游俗盡說豐年勝去年

和重九遊柳溪

西溪景物似江鄉無賴秋容到岸傍勝事可懷樽酒樂
淒風渾減路塵香半凋柳色猶垂帶欲凍泉源祇濫觴
會向明春重遊覽春暉依舊倍舒長

晚過西溪

煩暑襟懷倦客情西湖虛爽暫閒行林間聞雨未為開
池上得風尤覺清斜日漸因山隔闕斷雲應與月逢迎
牧之才調誰能繼一為憑高賦晚晴

多日牽俗闕西溪之遊和友人來韻

西溪流水正涓涓
髣髴江村種稻田
弱柳依風徒自困
晚花經雨更誰憐
已知榮謝椿如槿
莫問飛潛魚與鳶
結得勝遊須盡興
醉鄉岐路在傍邊

赴官唐安益帥吳公以詩寵行次韻為謝

二十年前許進趨
原公赴官南
六科重忝薦論書獻

捷日已嘗參候

言悟主慙明詔乞祿還家得副車
此日詩章形黼黻當時匠手器輪輿
恩知最厚難圖報有意高賢一挽裾

送劉儀甫職方東歸二首

藍田良玉古稱珍品屬瓊瑤
異砥珉純有英華為國寶
貴無雕琢是天真
連城享價千金重
垂纜承光五采新
羣后在廷皆執瑞
大圭終得奉嚴宸

南山蒼柏自森森
長就喬枝出茂林
肅政臺中思直幹

孔明祠下得清陰
原君嘗有御史之薦
風雲每助孤

會使節西指尚稽除命

高勢霜雪難移勁
挺心大厦有成梁
棟在平時燕雀望

皆深

題府解清素軒

蘭麝香濃玉少塵開軒相對似交親臘寒庭院春將近
晚吹簾襲月又新憑檻雅宜題雪女銜盃俱是咏花人

原詩古詩云今朝梅樹下定有詠花人 碧瓜故事標圖記從此嘉名亦等

原註乖崖種瓜後園田倫宣簡葺軒賦詩以記之

懷鶴鳴

棣華曾到翠微中一別仙宮入泮宮真景望如雲在上
年光去似水流東青霄得志雖榮已白髮多情亦念公

若許他時遂休逸山翁携手有詩翁

偕友人遊上方南禪

出郭行行數里村石梯盤曲到禪門亭開高檻侵山脚
水過方池斷竹根城市塵埃終日遠煙嵐氣象四時
存約公乘興重來此延納清風盡一樽

解舍之北有海棠二本惜非其地移植庭前呈
晦甫同年博士

何事當庭植海棠欲乘生氣待春光恰逢輕雨渾如
意若得和風定吐芳籬下不堪藏秀質眼前從此識清

香一樽會與嘉賓賞屈指紅英在艷陽

寄花廣漢守倅

地產名花敢自珍百枝聊且寄強鄰分將雨後千金色
添得罇前一日春檀板屢歌憑侍女玉簪齊插奉嘉
賓明年紅爛還馳去惟恐流光老却人

荅高進賢南歸見別

春波萬里已魂銷況是分携過蜀橋吏隱有心終濟物
他山無術可除妖好將醒醉迷千日莫為興亡感六朝
南望襄山何處是悵然懷抱更無聊

答晦甫

花往詩來報禮優不慙蕪累願賡酬青春易去何妨賞
白髮相欺未足羞萬事放懷閱歲月一樽高笑好朋儔
公堂訟簡心情在莫對風光取次休

次韻思道同晦甫春日過李氏園亭

二賢談笑共為州深惜青春爛漫遊吟到醉鄉須一飲
步回芳徑亦三休風前幾點見蛺蝶雨後數聲聞栗留
人望使旌應喜樂此心於爾亦何羞

和晦甫答思道

策馬悠悠倦往還竹邊林下舉吟鞭忙中對酒成閒客
老去逢春憶少年三島月來清入牖十洲波淨碧涵天
歸歟且共良朋賞花未飄紅柳未眠

次韻周思道喜正孺過廣漢二首

霜臺御史迴名藩氣象光陰動故山此日郡中誇盛事
明朝堂上拜慈顏御香持去仍輕別天詔飛來卽召還
南北唱酬皆勝絕一窺方識豹文斑

鴈樓南畔報來期遠俗駢闐望錦衣官府奉迎因直指
家庭喜樂是榮歸款憑罇酌延談議密獻囊封中事機

莫嘆宦遊多闊別九重深待弼予違

送東方子春歸廣漢

閒上層樓賦式微暮雲重疊鴈南飛三秋已有還鄉念
十日那堪送客歸世路最宜心似水年華休嘆露沾衣
一官擬得知何處回首風標又闊違

送周思道郎中通理益昌

閩兒冤魄久艱伸吾以仁心濟不仁十室苟能全一子
萬家無慮活千人于公治獄門生相韓厥成功世有民
陰德所施陽報在莫嘆孤官老朝紳

和寄周郎中

省郎華髮倦遊時却憶當年一布衣仕路更勞何足戀
家山可愛不如歸吟中斗絕紅塵味靜裏能延白日輝
某水某丘真舊物春來贏得掩重扉

寄廣漢周思道

鴈橋古郡誠佳絕熊軾名郎暫鎮臨雨滿郊原千里潤
春歸臺榭百花深將迎意味煩清燕閒暇工夫屬靜吟
若詫湖亭風物好西鄰猶有不平心

和陳圖南州學石柱題名之作三首

方柱鐫題誰厭頻三年還見一番新姓名已載推前達
行列猶虛待後人清世雲霄如坦道壯夫思慮惜青春
瓊瑤定得連城價至鑿從來不貴垠

馮塔題名故事存泮宮鐫柱又增新十行詔下方求士
千佛經中定有人錦繡麟斌涪水書風雷變化集英春
公卿皆向此途出豈待區區佩璫珉

匠氏磨礱用力勤先生序引亦清新尺書已報泥金帖

原註唐人登第泥金帖字報其家丹字仍題衣錦人桂籍共誇亨有路

泮林無倦誦於春東川素與西川敵又見榮名上翠珉

原註父老謂東川不在西川下事事同之昔田宣簡鎮成都始建大柱於石壁之西刻進士登科者為日榮名堂今郡學之柱亦其類

和陳圖南安昌巖避暑詩二首

石穴虛深宛似房石形方穩亦如牀
千年知是誰人隱一郡除非此地涼
山外雨來煙色暝林間風過藥苗香
塵埃已斷尤清寂今日禪僧不上堂
巖前數步到幽房巖裏聊安息
偃牀已得清風極瀟灑
休彈白雪恐淒涼
平時地籟乘空發何日天花墜雨香
三伏屢來君莫厭
流年背我去堂堂

和再遊二首

仙居殊不類樊籠瀟灑清涼皆可封

原註古詩松竹可封瀟灑侯又云便

須封向清涼國寒溜恰如揚子水脩筠應有稚川龍
雲深況是門無客人去惟聞鶴在松

原註古詩只應松上鶴便是洞中人向此却疑

推律法應鍾何事代林鍾

石門高下兩相通冰屋初開不復封
睡穩好欹方水玉味清須試密雲龍
詩筒迭和難親筆談柄閒搖屢折松
便寫姓名鐫翠壁休論功烈刻華鍾

和三月二十一日遊海雲

玉節重來鎮此州暫驅千騎上峯頭春闌好爲良辰惜
俗樂誰知急景流山色也疑今日盛物情渾勝昔年遊
登臨賦詠知難再持語鄉人早借留

南充縣野翁亭

勢利紛紛萬慮侵縣亭聊可一登臨目前不近將迎路
塵外能消富貴心燕處自知如隱遯縱談誰更及浮沉
時平樂得常棲地且向幽閒寄楚吟

和義夫出文谷

羸馬駸駸不厭驅望中天勢接晴蕪十朝偶適林泉興

十里誰開水墨圖柳線漸看金弄色雪花猶見玉爲柎
登臨自得詩家路寄語紅塵莫訝迂

雲頂寺

秀巘層層一徑通秋來更植萬株松閒中日永宜禪性
望處雲平見物容半夜起風喧地籟何年說佛響天鐘
塵埃滿馬遊從隔可恨煙蘿第幾重

雲頂寺蹙雲軒

寺枕山巔擁翠峯幽棲更與白雲通半空欄檻千尋外
兩蜀風煙一望中晨霽最宜天浩蕩夕陰先覺雨冥濛

項年曾坐盤陀石不到軒前目未窮

送唐誠老秘丞

越溪千里碧滔滔匹馬西遊豈憚勞
文牘甚稀如吏隱江山有助作詩豪
和風盡日生眉宇白髮何年上鬢毛
好向堯庭露華彩韶音方奏德輝高

和紅蕉二首

嫩苒叢裏色何如猩血雌紅莫奪朱
曉薦赤璋開縹藉夜燃絳蠟照珊瑚
穠華如擘霞光紙芳價堪酬明月珠
欲識此花堅與否願將真偈叩文殊

綺牕開處畫堂西紅綠相參數尺低
種得青林生寶焰裁將丹錦護封題
染因乘露皆鮮翠舞爲交竿少整齊
惆悵夜來經暮雨粧痕幾點帶嬌啼

有惠詩求酒者和答二首贈以兩榼

閒居偏向酒中閒已把人間比夢閒
飲量欲希江海納醉鄉應有路岐還
高談好對清樽樂屢舞猶嫌數斗慳
信有金船少風浪莫乘輕舸下深灣

愁腸思得濁醪澆渾似春苗旱欲焦
洗甕已於坊禁礙

原註洗甕先知醒酒期見韓致光詩

典琴誰向息錢餽

原註村酒典琴醉見柳仲塗詩

心未免嗟牢落醉眼偏宜望次寥
酪酏到來須晝寢信
知畢卓勝邊韶

次韻劉希道龍圖鹿鳴燕進士

賢能書上鹿鳴時欲步丹梯別釣磯
名世公卿加寵薦
故鄉親友待榮歸通經豈比籛金價
成器難藏璞玉輝
威鳳有雛鵬有路相將盡向九霄飛

和知府右丞秋貢燕士席上所賦

應書羣彥稱旁求勸駕賢公禮數優
名出士林當赫赫
詩歌鹿野自呦呦雲霄去路程皆遠
杞梓良材幹盡脩

登却龍門須變化奪標人已在船頭

和鹿鳴燕進士二首

石室宏開化二川文場今歲不遺賢
鷲憑暖律方遷木
鶴迺祥雲必到天隨貢充庭知有路
乘風破浪去如船
龍墀唱第程塗近應在春餘數日前

里有賓興方啓燕詩稱樂育願升歌
英才盡向師門出
貴器須憑匠手磋澤射定誇楊葉箭
鄉衣便促錦機梭
諸生大捷諸公賜先紀王勲後戰多

和八日登高

八日登高九日同拒霜寧有兩般紅流陰漸老三秋後
嘉客相歡一醉中塵裏仙官應混俗坐間談塵自生風
龍山故事今辰會雖欠笙歌不是空

重陽登城

上得層城暫倚欄況逢佳節萬愁寬山青水綠等閒好
酒白花黃隨分歡一月放懷能幾許九秋生感又多端
龍山勝事今何在空使騷人賦蕙蘭

和十日菊

今辰誰道此花衰更倚欄千把酒卮白眼漫生秋後意

黃金不減夜來枝化工應已均開落心賞何須問速遲
歲歲樽前鎮相似風光千萬莫差池

和郡齋卽事

表裏山河久鎮綏府無留事縱懷時自將遠業再中外
不向榮塗計速遲冲淡本從天理得安閒常有道心知
元元未盡躋仁壽日望登庸爲審思

郡齋春暮

自覺勞生萬事非宦心從此更遲遲淒涼好飲悲春酒
閒暇猶吟送老詩軒冕去來皆外物雲山早晚是歸期

懷民報國終無術空負慙顏對一麾

淨德集卷三十四

淨德集卷三十五

宋

呂

陶

撰

七言律詩

次韻張懷安題雲頂浴室院

山門漸近少凡塵佛子長棲物外身款戶多因遊寺客
倚欄時有羨魚人祥雲結蓋應非霧法雨飄花別是春
數刻盤桓覺蕭散回頭官事又勞神

次韻張懷安喜雨詩

雲密西郊未作霖暫憑精禱快羣心望如至寶難搜索

來似嘉賓忽訪臨古廟有靈惟響答洪鈞於物已恩深
春膏直待沾濡足不使狂風取次侵

過金堂偶記舊詩因贈宇文縣宰

嘗聞縣古槐根出最愛官清馬骨高前輩有詩談事實
今辰此景入風騷飛雲幾處籠山頂密雨連宵發土膏
公事稀疏吏歸去不妨歡侍對春醪

和野軒答李著作見寄

公居何事葺幽軒客味蕭條稱養閒人笑規模猶物外
我憐風景勝花間穠林鬪影舒帷幕淺溜餘聲雜佩環

欲把郡圖傳向此座中常得見岷山

登攬秀亭

亭在西山積翠中煙嵐氣象一重重芟開簷際偏高竹
見得雲間最後峯野色爲誰長鬱茂物情於我似從容
年來已有林泉興倚著闌干興轉濃

次輔元韻

山嵐穠秀望中青路轉松陰步步迎十里晴郊供野意
萬家和氣發歡聲春臺不覺殘春景樂國偏知衆樂情
公向蜀人深有意更憐風物暫閒行

鍾陽道中和酬輔元

忽捧瓊瑰俗眼驚荷君深照舊交情歸心自喜雙親壽
拙訛難酬厚祿榮十舍路岐平野闊幾重村落霽烟生
羈遊每憶家山樂況是花時到錦城

送任遵聖之官富順二首

千丈蒼松出故林喬枝成就古根深棟梁須負平生用
霜雪難移此日心月白曾經丹鳳宿風悲定有老龍吟
重巖複澗何緣幸一旦家家得茂陰

野鶴孤高舊羽儀超然殊不事卑飛有心雲路翱翔去

迴首芝田迤邐歸白日漫教羅網密紅塵堪笑稻梁肥
仙家自有千年約應許先生學令威

竹枕

不誇雕琢畧磨礪溪叟持來贈野翁冰雪易侵毛髮際
塵埃難到夢魂中消除暑愠宜無價安養慵閒似有功
富貴人家應笑我水晶新樣極玲瓏

次韻家渠州承議春陰

春工用意本華鮮氣候陰沉未逞妍風色送寒無甚雨
雲容垂遠又非煙遷延鶯舌應嫌巧抑遏花心恐占先

稍待新晴緘翳廓穠芳齊媚艷陽天

官舍東偏海棠開最晚落亦後時以詩嘲之

花到春深半已過此花猶見滿枝柯傳來芳信雖為悅
占得韶光却是多愛惜錦文愁雨急留連妝臉笑風和
後先榮謝人休問且伴樽前一醉歌

送秦漕歸淮南

龔得芝蘭一室薰更將三美向誰論

原註公與某同時中第在潼川嘗共

事暫岷蜀政又得繼踵宦遊之美有北三者亦罕也

光輝自可誇僚友契愛猶

能及子孫金節暫求康爾俗錦衣歸去大吾門西南終

是天涯遠却羨鸞凰集九閩

寄新寧黎叔舊

平日論交重久叟每懷高誼寸心搖君恩最是憂民社
吏隱偏宜遠市朝諄誨佇聞流尺素嘉篇頻為寄瓊瑤
笑言契闊勞生甚別後堪嗟壯氣消

寄周才叔

天涯羈宦落蓬蒿漫說平時器業高寒煖所逢皆物理
悲歡相較只秋毫徒嗟壯士難行己懶學風人便著騷
樂道養閒俱可羨念君清誼甚魂勞

和周簡州寄范蜀公三章

禁林元老忽西歸衆謂西州此事奇
矰繳漫勞鴻去後桑田未變鶴來時
一鄉金帛皆沾惠千載松楸得奉祠
預想年前至京國子孫持酒獻春祺

春深歸到錦江頭笑傲光陰已晚秋
內相貴名雖烜赫山翁行李甚優游
詩中氣格超摩詰方外情懷類子休

原註

莊南下有期風月爽鄉人從此望仙舟

法從深嚴寵祿榮清標素節兩難并
有心報國雖謀國無意求名又得名
道服豈煩垂寶帶安居何用飾華纓

秋風一夜喬林減惟見松篁不變更

昨日

昨日文書插羽毛征夫連夜整弓刀
雲如野色隨時慘風作邊聲特地號
八陣威靈今可託六州形勢古稱高
西南久不聞金鼓莫遣人人著戰袍

又賦二首

千里征蠻向不毛坐籌先勝自三刀
井中蛙力狂雖躍弓下猿聲怯便號
草白見城羌地淺月明聞角漢天高
將軍幾日當雄捷速把功書上赭袍

忠膽輕生甚一毛奇謀破賊銳於刀橫行容易平烏合
面縛須臾作犬號霜甲共輝軍帳冷煙烽齊出戍樓高
羌酋若也投降早定得君王瑞錦袍

雪

白金鋪野玉堆簷獨上危亭喜再瞻多積豈能填澗底
已高猶未累山尖碎聲著物飄來急寒色侵人霽後添
時節霏霏未還彼賊平消息願重占

岷峨王高士賞牟中祕墨帖來求跋自言能護真
氣鍊大丹罹兵禍而輟同輩有志於斯事者皆然

又言老人村凡二三百歲者亦皆死於兵嗟夫兵
之禍生靈甚矣禍蜀則尤慘禍及高士更不輕矣
遂爲之賦詩

道人少日鍊神形兵禍俄乘竟不成欠爲黃庭判一死
所酬丹事又三生眼看殘盡雞窠老膽破寧寒犬舐盟
豹養虎攻嗟爾似却求翰墨作虛名

石泉道中和綿州通判李朝散見寄

深僻崎危不厭過欲將涓滴助恩波躡雲高步三休在
踏雪清寒一倍多依約度溪投野店逡巡扶杖歷新坡

原註山有極險如不可登者里人謂之新坡

初春此去纔旬日屈指流年奈

老何

有觸

三十餘年齒士林青綸一命鬢霜侵策名雖動遲留嘆
行已常存少壯心月滿漲潭清遠夢春歸平野付長吟
前溪況亦稱南浦惜別情悰幾倍深

城西龍祠一首

市橋官柳翠陰垂路嚮西郊駐彩旂故事每從遐俗尚
清歡又送晚春歸留連野色遲遲去珍惜年華冉冉飛

老杜有詩殊有味風光流轉莫相違

林密溪寒錦浦西千年靈宇舊憑依竹村迎路堪行樂
麥壟連雲已應祈詩將早從吟社去遊人暮到醉鄉歸
隼旟莫倦徘徊久化日舒長未夕暉

和賞申氏園海棠

誰裁錦段碎文章憑借春工便吐芳自是多花宜少葉

原註蜀人以花多葉少為海棠花葉相間而開者非也

肯教仙格有凡香妝容試

酒偏增麗舞興迎春擬作狂使幕縣庭雖甲乙更饒鄰

圃借餘光

原註舊記云成都使院海棠第一成都縣庭第二今申園所植乃其類也

和姚提舉賞海棠

曉霧籠花暖漸收萬枝難盡數花頭燕脂半為傷春淡

錦帶翻因拂地羞原註田宣簡云命酒圍海棠而飲飲舊風傳樂國

蜀故事縱吟清味屬詩流西園韶景真無價紅滿池臺月

滿樓

和蜀守道中書事

天恩流布下天津

天恩流布下天津沴氣消除生氣淳昔慮早饑農失職

今逢賑惠澤如春綏懷有術推儒者全活為功類古人

賢傑一心溝壑起翕然歌頌在生民

題友人西行雜詩

一官一集古稱賢未似西征五十篇雅頌純音流管磬

風騷餘味到林泉光生曉岫刊岷石價踴春溪費錦牋

愧幸師門舊承教得為家寶子孫傳

讀黜邪詔

天詔丁寧逐佞柔不須請劍復持矛平生邪膽君前落

後世汗名紙上留寶鑑乍開消魍魅正聲纔作罷離兜

便為菹醢何嗟及貪得浮榮似食鈎

晚倚南樓

野情無限物無窮一凭危樓又晚空過雨郊原渾積翠
送春亭榭尚餘紅煙光已屬綃圖上湖影初歸寶鑑中
飛鳥潛魚應自得倚欄小憩豁雙瞳

送張穎達屯田

西風獵獵馬駸駸極目歸途寄靜吟美玉自藏圭璧用
寒松偏有雪霜心皆知舊德淹郎署合寵耆儒鎮士林
勢利競馳孤介少爲懷清誼動離襟

和寄治之少卿

榮路層層滿眼開家山在望懶徘徊霜侵客鬢須歸去

塵拂朝冠是儻來一棹綠波遊不厭三竿紅日夢初回
更聞觴詠同幽趣應少閒人可預陪

送張靜之少卿東歸

禮寺居卿寵搢紳若求清議尚沈淪三千里外甘投足
四十年前已化鱗何必萬鍾如已欲好將一笑寓天真
當時共獻藏珠賦壽考康寧有幾人

象碁二首

咫尺楸枰計慮深偶緣嬉戲便交侵縱橫各有往來道
勝負豈無名利心終局漫誇兵得地在宮渾倚士如林

安危成敗何殊此付與閒人爲討尋
犀布重重陣脚深不須輕敵事相侵渡河雖藉奇兵勢
對壘難知老將心酬酢巨杯宜燕席消磨永日稱山林
呼盧格五前賢有莫笑年來共講尋

送楊聖愈郎中赴益倅

畫轅曾記到西川莫爲題輿厭滯留官况優如支郡樂
風光渾似昔年游日無餘事知閒暇時有清吟競唱酬
政績易成恩典在天涯不覺兩經秋

寓意

夕陽芳草自天涯倦客何須感物華無計可能逃世網
有心剛欲慕詩家將烹誰惜能鳴鴈安足翻成強畫蛇
白髮漸多瞳漸翳少年相見莫揄擲

秋郊

西風蕭瑟動年華村望猶將景物誇山色半隨雲勢斷
浮光多被竹陰遮社前歸興雙飛燕雨後新聲幾處蛙
萬里橋南亦如此十分有意作農家

寄唐君益

秋日晴如春日遲山間水際盡光輝江湖頓減騷人詠

父老爭誇太守歸歲晚莫驚松易葉時來又見錦爲衣
門前行馬雖崇峻應許衰翁一叩扉

淨德集卷三十五

